

**ՀԱՇՎԵՏՎՈՒԹՅՈՒՆ**  
**ԳՈՐԾՈՒՂՄԱՆ ԱՐԴՅՈՒՆՔՆԵՐԻ ՄԱՍԻՆ**

**1. Անունը, ազգանունը, զբաղեցրած պաշտոնը՝**

Անի Հունանյան, Ֆիսկալ ռիսկերի կառավարման վարչության առանձին գործառույթներ համակարգող խորհրդական

**2. Գործուղման վայրը և ժամկետները՝** Ղազախստան, ք. Ալմաթի, 2024 թվականի փետրվարի 21-ից փետրվարի 23-ը ներառյալ:

**3. Հրավիրող կողմը՝** Արժույթի միջազգային հիմնադրամի Կովկասի, Կենտրոնական Ասիայի և Մոնղոլիայի տարածաշրջանային կարողությունների զարգացման կենտրոն

**4. Գործուղման նպատակը (աշխատանքային ո՞ր խնդրի լուծման համար էր նախատեսված գործուղումը)՝**

«Ֆիսկալ ռիսկերի կառավարում» թեմայով աշխատաժողովին մասնակցության նպատակն էր Ֆիսկալ ռիսկերի կառավարման գործառույթի զարգացման նպատակով փորձի փոխանակումը, Արժույթի միջազգային հիմնադրամի կողմից վերջինիս ուղղությամբ լավագույն գործիքակազմի ներկայացումը և խորհրդատվության տրամադրումը: Աշխատաժողովի տարբեր քննարկումների և դասախոսությունների շրջանակներում ներկայացվեց ֆիսկալ ռիսկերի տեսակների, դրանց կառավարման մեխանիզմների, ռիսկերի բացահայտման մեթոդների, գնահատման գործիքակազմի և կառավարմանն ուղղված խնդիրների վերաբերյալ համապարփակ տեղեկատվություն:

Հրավիրված էին Կովկասի, Կենտրոնական Ասիայի և Մոնղոլիայի երկրների ներկայացուցիչներ, որոնք կիսվեցին ֆիսկալ ռիսկերի բացահայտման, գնահատման և կառավարման ոլորտներում իրենց փորձով:

Աշխատաժողովը հանդիսանում էր հարթակ գործընկերների հետ ֆիսկալ ռիսկերի կառավարման լավագույն փորձի փոխանակման համար՝ նպաստելով մասնակից երկրներում ֆիսկալ ռիսկերի կառավարման, ֆիսկալ կայունության և թափանցիկության բարելավմանը:

**5. Քննարկված թեմաները՝**

1. Ֆիսկալ ռիսկերի վրա ազդող մակրոտնտեսական և հարկաբյուջետային զարգացումները:
2. Ֆիսկալ ռիսկերի կառավարման հայեցակարգը. երկրների օրինակների և փորձի ուսումնասիրություններ, միջազգային պրակտիկա:
3. Պետական մասնակցությամբ ընկերություններից բխող ֆիսկալ ռիսկերի կառավարում. երկրների օրինակների և փորձի ուսումնասիրություններ, միջազգային պրակտիկա:

4. Պետություն-մասնավոր գործընկերությունից բխող ֆիսկալ ռիսկերի կառավարում. երկրների օրինակների և փորձի ուսումնասիրություններ, միջազգային պրակտիկա:
5. Գործիքակազմ՝ բացահայտելու, գնահատելու և վերլուծելու ֆիսկալ ռիսկերը:
6. Կլիմայի փոփոխության հետևանքով առաջացած հնարավոր ֆիսկալ ռիսկերի կառավարում:
7. Գործնական առաջադրանքներ՝ միտված ֆիսկալ ռիսկերի գնահատմանը և առաջնահերթությունների բացահայտմանը՝ օգտագործելով ԱՄՆ-ի ֆիսկալ ռիսկերի գնահատման գործիքակազմը:
8. Ֆիսկալ թափանցիկություն և ֆիսկալ ռիսկերի բացահայտում, երկրների օրինակների և փորձի ուսումնասիրություններ:
9. Խմբային քննարկումներ՝ ֆիսկալ ռիսկերի կառավարման գործառույթը զարգացնելու հնարավորությունները բացահայտելու նպատակով:

## **6. Հանդիպումները, ելույթները, բարձրացված կամ քննարկված հարցերը՝**

Աշխատաժողովի շրջանակներում նախատեսված դասախոսություններն ուղեկցվեցին քննարկումներով՝ հնարավորություն տալով պարզաբանելու նոր գործիքակազմերի առավելություններն ու կիրառման հնարավորությունները: Աշխատաժողովի ընթացքում Հայաստանի ներկայացուցիչները ներկայացրեցին 2 շնորհանդես՝ կապված ՀՀ ֆինանսների նախարարության ֆիսկալ ռիսկերի կառավարման շրջանակի և Պետություն-մասնավոր գործընկերության պայմանագրերից բխող ֆիսկալ ռիսկերի բացահայտման, գնահատման և կառավարման փորձի հետ: Տարբեր քննարկումների, ինչպես նաև ամփոփիչ ելույթի շրջանակներում մանրամասն անդրադարձ կատարվեց Հայաստանում ֆիսկալ ռիսկերի գնահատման գործառույթին առնչվող մարտահրավերներին, հնարավորություններին և գործառույթի զարգացմանն ուղղված մեր տեսլականին: ԱՄՆ ներկայացուցիչների հետ առանձնազրույցների շրջանակներում քննարկվեցին առանձին ուղղություններով ֆիսկալ ռիսկերի գնահատման գործառույթների զարգացման հնարավորությունները, ԱՄՆ նախատեսվող տեխնիկական աջակցության հիմնական խնդիրները և առանձնացվեցին աջակցության ենթակա կարևորագույն ուղղությունները:

## **7. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը՝**


Քննարկումների և առանձնազրույցների շրջանակներում ձևավորվել են մի շարք երկկողմանի համագործակցության հնարավորություններ, ձեռք են բերվել պայմանավորվածություններ առանձին երկրների ներկայացուցիչների հետ՝ անհրաժեշտ ուղղություններով նյութերի, տեղեկատվության և փորձի փոխանակման, ինչպես նաև առաջիկայում տարբեր ձևաչափերով քննարկումների անցկացման նպատակով:

ԱՄՆ ներկայացուցիչների հետ գույքագրվել են Ֆիսկալ ռիսկերի կառավարման գործառույթին առնչվող կարիքները և նախաձեռնվել է գործիքակազմի կիրառման զարգացման ուղղությամբ որոշակի քայլերի իրականացում:

**8. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները.**

Աշխատաժողովի արդյունքների, պայմանավորվածությունների և նախատեսվող աշխատանքների վերաբերյալ տեղեկատվությունը ներկայացվել է վարչության աշխատակիցներին, տրամադրվել են անհրաժեշտ նյութերը և նախաձեռնվել են՝ աշխատանքներ նոր գիտելիքների և փորձի տեղայնացման ուղղություններով:

**9. Ստորագրությունը, ամսաթիվը:**

Ներ Խաճատյան 

28 փետրվար, 2024թ.

Վարչության  
Գլխավոր  
Վարչի պաշտոնակատար  
Խաճատյան Ներ

2024թ.